



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 01/2-02-~~697~~/21

Datum: 02.07.2021.godine

Na osnovu člana 68. stav (4) tačka i), člana 69. stav (2) tačka e) i člana 100. stav (3) Zakona o javnim nabavkama Bosne i Hercegovine ("Službeni glasnik BiH", broj: 39/14), donosim:

ODLUKU

o stavljanju van snage Odluke o izboru najpovoljnijeg ponuđača broj: 01/2-02-668/21 od 22.06.2021.god. i poništenju postupka javne nabavke objavljenog Obavještenjem o nabavci broj: 870-1-2-5-3-22/21 od 04.05.2021.god. i Ispravkom za obavještenje o nabavci broj: 870-1-2-5-8-25/21 od 14.05.2021.god.

I

Odlukom o izboru najpovoljnijeg ponuđača broj: 01/2-02-668/21 od 22.06.2021.god. kao najpovoljniji ponuđač izabran je ponuđač MUALVIS d.o.o. Visoko.

Ponuđač OBRT HM ELEKTRO Visoko je izjavio Žalbu broj: 01/21 od 30.06.2021.god. koja je blagovremena, dopuštena i izjavljena od ovlaštenog lica.

Komisija imenovana Rješenjem broj: 01/2-02-338/21 od 04.05.2021.god. je razmatrajući žalbu konstatovala da je djelimično osnovana. Ponuda izabranog ponuđača MUALVIS d.o.o. Visoko je odbačena, dok cijena ponude jedinog kvalifikovanog ponuđača SES d.o.o. Sarajevo znatno prelazi procijenjenju vrijednost nabavke.

II

Stavlja se van snage Odluka o izboru najpovoljnijeg ponuđača broj: 01/2-02-668/21 od 22.06.2021.god. i poništava se postupak javne nabavke.

III

Odluka stupa na snagu danom donošenja.

Obrazloženje

U okviru otvorenog postupka javne nabavke za tekuće održavanje javne rasvjete i semafora, Ugovorni organ je dana 30.06.2021.god. putem protokola kao predmet broj: 02/3-02-72/21 od 30.06.2021.god. zaprimio Žalbu broj: 01/21 od 30.06.2021.god. izjavljenu na Odluku o izboru najpovoljnijeg ponuđača broj: 01/2-02-668/21 od 22.06.2021.god. od strane ponuđača OBRT HM ELEKTRO Visoko.

Po prijemu žalbe Ugovorni organ je postupio u skladu sa članom 100. stav (1) Zakona o javnim nabavkama Bosne i Hercegovine ("Službeni glasnik BiH", broj: 39/14) i utvrdio da je žalba blagovremena, dopuštena i izjavljena od strane ovlaštenog lica.

Razmatrajući žalbu, komisija imenovana u predmetnom postupku javne nabavke je konstatovala da je žalba djelimično osnovana uz sljedeće izjašnjenje:

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



Žalbeni navod I

Komisija je izvršila ponovnu evaluaciju ponude ponuđača "MUALVIS" d.o.o. Visoko i utvrdila da je prilikom prvobitnog pregleda ponuda došlo do propusta jer je ponuda trebala biti odbačena, obzirom da bankarska garancija nije dostavljena u skladu sa tenderskom dokumentacijom. Naime, u skladu sa tačkom 27. tenderske dokumentacije bankarska garancija se dostavlja u plastičnoj foliji koju je potrebno na vrhu zatvoriti naljepnicom na koju je stavljen pečat ponuđača. **Ponovnom evaluacijom ponude utvrđeno je da je garancija za ozbiljnost ponude dostavljena u plastičnoj foliji i zatvorena naljepnicom na koju nije stavljen pečat ponuđača.**

U skladu sa navedenim žalbeni navod se prihvata kao osnovan.

Žalbeni navod II

Komisija je izvršila ponovnu evaluaciju ponude ponuđača "MUALVIS" d.o.o. Visoko i utvrdila da zaokruživanjem svih ponuđenih opcija u izjavi iz člana 50. ZJN ponuđač "MUALVIS" d.o.o. Visoko nije napravio propust koji utiče na valjanost ponude i kvalifikaciju ponuđača. Ponuđač je uredno dostavio izjavu iz člana 50. ZJN jer je u dijelu za unos preciznih podataka vezanih za zahtjeve iz tenderske dokumentacije tačno naveo dokumente koje dostavlja, a kojima se dokazuje ispunjavnje uslova iz člana 50. ZJN. **U skladu sa navedenim žalbeni navod je neosnovan.**

Žalbeni navod III

Žalitelj je naveo da ponuđač "MUALVIS" d.o.o. Visoko je načinio propuste u svojoj ponudi u smislu neupisivanja naziva firme u predviđeno polje u izjavama iz člana 45. 47. 50. i 52. ZJN i ne upisivanja broja Službenog glasnika u izjavama iz navedenih članova zakona.

Uvidom u ponudu ponuđača, Komisija je utvrdila da ponuđač "MUALVIS" d.o.o. Visoko na navedenim izjavama u dijelu gdje se upisuje naziv privrednog društva umjesto naziva firme upisao je termin **direktor**. Komisija smatra da je ponuđač napravio manji propust koji ne utiče na valjanost ponude i kvalifikaciju ponuđača jer je svaka od izjava potpisana i ovjerena pečatom ponuđača.

Također, neupisivanje broja Službenog glasnika na izjavama predstavlja manji propust koji ne utiče na valjanost ponude i kvalifikaciju ponuđača jer je na svakoj izjavi upisan naziv postupka javne nabavke i broj Obavještenja sa portala javnih nabavki na osnovu čega je jasno da je ponuđač dostavio ponudu za predmetni postupak.

Neupisivanje datuma i broja Okvirnog sporazuma i ugovora ne predstavlja propust jer je ponuđač pravilno popunio sve bitne podatke u Nacrtu Okvirnog sporazuma i ugovora i iste potpisao i ovjerio pečatom ponuđača.

U skladu sa navedenim žalbeni navod je neosnovan.

Žalbeni navod IV

Komisija je izvršila ponovnu evaluaciju ponude ponuđača "SES" d.o.o. Sarajevo i utvrdila da nezaokruživanjem ponuđenih opcija u izjavi iz člana 50. ZJN, ponuđač "SES" d.o.o. Sarajevo nije napravio propust koji utiče na valjanost ponude i kvalifikaciju ponuđača. Ponuđač je uredno dostavio Izjavu iz člana 50. ZJN jer je u dijelu za unos preciznih podataka vezanih za zahtjeve iz tenderske dokumentacije precizirao navode iz tačke a), b), c) i d) Izjave. **U skladu sa navedenim žalbeni navod je neosnovan.**

Žalbeni navod V

Komisija je utvrdila da prekoračenje cijene ponude u odnosu na procijenjenu vrijednost nabavke, u skladu sa ZJN nije razlog za odbacivanje ponude. **U skladu sa navedenim žalbeni navod je neosnovan.**

Postupajući po žalbi, a u skladu sa datim izjašnjenjem, Komisija je odbacila ponudu ponuđača "MUALVIS" d.o.o. Visoko, dok je ponudu ponuđača "SES" d.o.o. Sarajevo ocijenila kao prihvatljivu jer je dostavljena u skladu sa uslovima iz tenderske dokumentacije.

Obzirom da je u postupku jedini kvalifikovani ponuđač "SES" d.o.o. Sarajevo čija cijena ponude prelazi procijenjenju vrijednost nabavke, Komisija se obratila dana 01.07.2021. godine Službi za lokalni ekonomski razvoj, komunalne poslove, zaštitu okoline i javne nabavke aktom kojim je tražila izjašnjenje o mogućnosti obezbjeđenja dodatnih novčanih sredstava u iznosu od 30.838,33 KM bez PDV-a kako bi se postupak mogao nastaviti.

Služba za lokalni ekonomski razvoj, komunalne poslove, zaštitu okoline i javne nabavke je dostavila Odgovor na izjašnjenje broj: 02/1-02-496/21 od 01.07.2021. godine koji je Komisija za javne nabavke zaprimila dana 02.07.2021. godine kao predmet broj: 02/3-02-7351/21 od 02.07.2021. godine u kojem stoji da navedena Služba ne može obezbijediti dodatna novčana sredstava u iznosu od 30.838,33 KM bez PDV-a.

Komisija je predložila poništenje postupka javne nabavke.

U skladu sa navedenim, odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema Odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u tri primjerka.

Dostavljeno:

1. MUALVIS d.o.o. Visoko,
2. SES d.o.o. Sarajevo,
3. OBRT HM ELEKTRO Visoko,
4. Evidencija,
5. a/a.-

